



Poste Italiane - Progetu POLIS

Ativau su servítziu po pediri su passaportu electrónicu, o po ddu rinnovai, cun sa possibbilidadi de si ddu fai imbiai a domu

Su servítziu est ativu de su 22 de Abrili 2024, po is tzitadinus chi funt residentis o tenint su domicíliu in Gésturi

In s'Uffítziu Postali de su Comunu de Gésturi, in Bia Nazionale n. 53, cumentzendi de su 22 de Abrili 2024 est ativu su servítziu po pediri su passaportu electrónicu, o po ddu rinnovai, po is tzitadinus chi funt residentis o tenint su domicíliu in Gésturi.

Duncas, po pediri de fai su passaportu, o po ddu rinnovai, de su 22 de Abrili fait a presentai is documentus a s'isportellu de s'Uffítziu Postali etotu, chene depi andai a sa Cuestura de su territóriu de cumpeténtzia, e fait fintzas a pediri de si ddu fai imbiai a domu.

Custa est un'àtera de is punnas de su Progetu Polis, chi bolit favoressi no isceti sa coesioni económica, sotziali e territoriali, ma bolit fintzas fai in modu chi sa vida de is tzitadinus siat prus simpli, donendi is matessi oportunitadis a is chi bivint siat in is tzentrus prus mannus, siat in is biddas prus piticas.

SA MARMIDDA CHISTIONAT IN SARDU - Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.